

Sankatmochan Hanuman Ashtak

॥ हनुमानाष्टक ॥

बाल समय रिव भक्षी लियो तब, तीनहुं लोक भयो अंधियारों | ताहि सों त्रास भयो जग को, यह संकट काहु सों जात न टारो | देवन आनि करी बिनती तब, छाड़ी दियो रिव कष्ट निवारो || को नहीं जानत है जग में किप, संकटमोचन नाम तिहारो

बालि की त्रास कपीस बसैं गिरि, जात महाप्रभु पंथ निहारो | चौंकि महामुनि साप दियो तब, चाहिए कौन बिचार बिचारो | कैद्विज रूप लिवाय महाप्रभु, सो तुम दास के सोक निवारो || को नहीं जानत है जग में किप, संकटमोचन नाम तिहारो

अंगद के संग लेन गए सिय, खोज कपीस यह बैन उचारो | जीवत ना बचिहौ हम सो जु, बिना सुधि लाये इहाँ पगु धारो | हेरी थके तट सिन्धु सबै तब, लाए सिया-सुधि प्राण उबारो || को नहीं जानत है जग में कपि, संकटमोचन नाम तिहारो

रावण त्रास दई सिय को सब, राक्षसी सों कही सोक निवारो | ताहि समय हनुमान महाप्रभु, जाए महा रजनीचर मारो | चाहत सीय असोक सों आगि सु, दै प्रभुमुद्रिका सोक निवारो || को नहीं जानत है जग में कपि, संकटमोचन नाम तिहारो

बान लग्यो उर लिछमन के तब, प्राण तजे सुत रावन मारो | लै गृह बैद्य सुषेन समेत, तबै गिरि द्रोण सु बीर उपारो | आनि सजीवन हाथ दई तब, लिछमन के तुम प्रान उबारो || को नहीं जानत है जग में किप, संकटमोचन नाम तिहारो

रावन युद्ध अजान कियो तब, नाग कि फाँस सबै सिर डारो | श्रीरघुनाथ समेत सबै दल, मोह भयो यह संकट भारो | आनि खगेस तबै हनुमान जु, बंधन काटि सुत्रास निवारो || को नहीं जानत है जग में किप, संकटमोचन नाम तिहारो

बंधु समेत जबै अहिरावन, लै रघुनाथ पताल सिधारो | देबिहिं पूजि भलि विधि सों बलि, देउ सबै मिलि मन्त्र विचारो | जाय सहाय भयो तब ही, अहिरावन सैन्य समेत संहारो || को नहीं जानत है जग में किप, संकटमोचन नाम तिहारो

काज किये बड़ देवन के तुम, बीर महाप्रभु देखि बिचारो | कौन सो संकट मोर गरीब को, जो तुमसे नहिं जात है टारो | बेगि हरो हनुमान महाप्रभु, जो कछु संकट होय हमारो || को नहीं जानत है जग में कपि, संकटमोचन नाम तिहारो

> ॥ दोहा ॥ लाल देह लाली लसे,

अरु धरि लाल लंगूर | वज्र देह दानव दलन, जय जय जय कपि सूर || || इति संपूर्णंम् ||

Dharmik Mind

WebSite:-https://www.dharmikmind.com